



12228

雪

巖

吟

草



詩如五珠所嗜不同宗江西流派者則難聽四  
靈之音調讀日高花影重之句其視青青河畔  
草卽路傍苦李心使然也古人以詩陶寫性情  
隨其所長而已安能一天下之心如一人之心  
吁此詩門之多事也甚至裂眦怒爭必欲字字  
浪僊篇篇荀鶴殊未思騷選文章於世何用伯  
仁學詩出於隨口應聲高下精拙狂無節制有  
如敗草翻風枯荷開雨低昂疾徐因勢而出雖  
欲強之而不可彙以隨日而抄豈望廣傳於世  
若此姑綴再草云

雪巖吟草序

一 讀書齋正本

兒曹異日知伯仁得詩之頃其一休一戚所寓

傳略

宋伯仁字器之號雪巖茗川人舉宏詞科歷監

淮揚鹽課

案原本云時東坡守揚州以詩文獻

耶然伯仁

爲南宋嘉熙時人

器之銳意功名有

擊楫之概而祿位不顯咸淳以後事已難爲故

語多慷慨然能出之以和易自然流邁而無叫

囂之氣自謂隨口應聲如敗葉翻風枯荷鬧雨

低昂疾徐因勢而出蓋實錄云

烏青文獻

雪巖吟草一卷西塋集

嘉熙丁酉五月二十一寓京  
遭焚僑居西馬塋故日西塋

茗川 宋伯仁 器之叟

嘉熙戊戌家馬塋稟

四十

役役人間世齊頭四十年讀書雖未已作事亦  
徒然宦業蕉中鹿生涯葉底蟬願逢時務好一  
榻醉時眠

寓目

暖風輕撥繡簾開放入雙雙紫燕來燕子似於

雪巖吟草

一 讀書齋正本

人有舊細銜花片落妝臺

晝景逢春漸漸長博山添爇半匙香梅花一片  
嬌無力自趁晴風過粉牆

久雨

暗數春來雨曾無兩日晴樹連山莫辨橋與水  
俱平閉戶惟便懶逢人且問耕海棠花落盡顛  
顛幾流鶯

訪高菊磧

可惜吳中不見君短篷空載一溪雲知君已到

孤山下日日梅花酒半醺

張監稅新居

爲愛灘頭只兩家也來隨分作生涯依山築屋  
先栽柳買地爲園旋種花聊把功名循世態只  
憑詩酒度年華與梅一夜論心事石鼎茶乾月  
未斜

尋孫花翁

東風吹雨溼西湖未許蘇隄酒贖酤試向花翁  
問花訊不知花似去年無

雪巖吟草

春雪不止

春來雪意愈遲邇又學飛綿過小樓暖逐東風  
雖易化猛如前月未容休鶯花消息孤詩課蠶  
麥生涯累客愁莫道遠人多凍殺王師亦有在  
邊頭

無事

日日溪頭看好山塵囂無一可相關梅花未必  
能如我花謝花開未得閒

訪林可山

可山無日不吟詩我欲論詩未有期幾次孤山  
明月下手授梅蕊立多時

簡施芸隱

雪後東風作峭寒客懷零亂客眉攢杭州雖近  
西湖月寧似湖州把釣竿

丁家村

不滿十來家門閭半以柴日烘蘭入鼻風掠草  
侵鞦土酒融春興行歌放客懷何須高買屋一  
一近天街

雪巖吟草

再會夏石芝

自與君相別駸駸已數年一緘書不寄千里夢  
徒然雨店花新長風櫺月幾圓嶺梅無恙否愁  
滿鬢絲邊

舊同官張法曹

熬波同看楚天秋多少艱難說未休今日共依  
湖柳住夢中猶怕踏邊頭

雪後

暖地難爲雪春天易得晴落梅狂客意啼鳥故

圍聲愁樂從他事湖山寄此生願將身與世渾  
似柳梢輕

一本作一  
葉等相輕

紙鷓

弄假如真舞碧空吹噓全在一絲風唯慙尺五  
天將近猶在兒童掌握中

湖上新晴

湖邊膏雨弄晴時桃杏紅爭錦一機楊柳也如  
新及第向人爭舞綠羅衣

晚春溪行

同文

雪巖吟草

四讀畫齋正本

青山數里一溪橫片片花邊舞燕輕耕遍水田  
新雨足晴天曉色柳風清

悶甚

酴醾開已殘窻戶尚輕寒往事多因拙清尊強  
自寬對妻憐病久顧影易

一作得

心酸更展淵明

集從頭子細

一再作看

雨中

終日翻盆雨池亭晚更涼對琴思古意醜酒惜  
韶光綠漲便鷗懶殘花笑蝶忙高田皆可插好

與報君王

妙智菴

結屋占山巔源流未有年便非眞隱者且喜得  
安然石洞雲同卧茶鐺客對煎我來聊小憩詩  
滿夕陽天

嘲不識字

難字逢人問村中一小兒璋璽寧易辨亥豕似

堪疑鹵莽

莽字音畝

原非莽

草莽莽字母黨切宿莽莽字音母

耕犁

十二齋犁字

別字犁

六脂犁字牛駢田器音黎

識丁何足道

雪巖吟草

五言畫齋正本

煮字不充飢

材學糾

八九頑童一草廬土朱勤點七言書晚聽學長  
吹樵笛園子先生殆不如

讀林可山西湖衣鉢

梅花花下月黃昏獨自行歌掩竹門只道梅花  
全屬我不知和靖有仍孫

寄樓雲卧

雲卧西湖又幾年吟鞍多在酒鑪邊定知今古

皆春夢不把功名作去聲宿緣芳草滿汀山帶雨  
黃梅落地水連天相逢未說江南事且問何時  
理釣船

村姑

翠鬟雙妥未梳頭紡緯車邊坐欲羞幾度採桑  
歸較晚阿孃疑看落花愁

底事蹉跎二八年嫁時裝著未周旋年年織得  
新絲絹又被家翁作稅錢

嘉熙戊戌夏復遊海陵棗

雪巖吟草

六讀畫齋正本

簡吳荆溪

薄宦從來錯寧容著意求自慚千里夢空作去聲

一番愁笑我人如昨知心雨未休荆溪清徹底  
願泊釣魚舟

學館閒題

據見定時俱是足苦思量處便成癡請君打退  
閒煩惱啜粥烹茶細和詩

苔林巡檢惠詩

客久情懷惡逢人懶說詩不堪秋到後將近雁

來時欹枕皆歸夢同心只舊知淵明籬下菊誰  
伴傲霜枝

秋花

鳳兒花雜雁來紅更有鷄冠弄紫萼可笑倚闌  
人醉後只將青眼看芙蓉

早秋 回文

秋天一餉晚風涼笑語人傳早稻香樓上醉時  
簾半捲愁添客鬢雨蒼蒼

別友人 集唐人句

雪巖吟草

七讀畫齋正本

菊花村晚雁來天 僧朋來同住蘭舟未十年 許今

日送君須盡醉 賈至離人獨上洞庭船 李頻

對菊

少有惺惺得到頭此心何苦懶方收五湖煙雨  
常如昔一稔功名自不由世事莫將真箇看客  
程難作舊時畱人閒豈少淵明 見著黃花便  
合羞

累字戲作解愁吟簡舊同寮

愁知不空白頭心事驚秋歸興滿滄洲貂蟬雖

出兜鍪功名有愧黑貂裘夷齊與盜跖總荒丘  
無非蘧蘧栩栩夢莊周空教笑倒江上煙雨汀  
鷗一琴一劍一童一鶴一茶甌自不須苦苦高  
卧元龍百尺樓著眼看翻雲覆雨處豪傑總成  
羞牙旗金甲蹇驢破帽窮通一任前脩五湖千  
萬頃明月則儘可棹歌橫釣舟

蘇州有感

秋意滿姑蘇扁舟憶五湖鈴聲邊報急帆影客  
心孤野港青如染遙山澹欲無英雄應念我時

雪巖吟草

八讀畫齋正本

事滿銀鬚

一本末二句云千年遺迹在過眼只  
斯須

棋

亂鷗飛鷺勢縱橫對面機心豈易萌一著錯時  
都是錯寧無冷眼看輸贏

水邊聞鴈

集四靈句

蘆花新有雁

徐靈暉

四面水連天

徐靈淵

清淨非人

世趙靈秀

吾詩詠不全

翁靈舒

嘲醉者

李白日斟三百盞醉時寧記脫朝鞵一千八十

萬杯酒百歲消磨未是多

村

又是江南割稻天家家兒女笑相牽芙蓉占斷  
清溪水獨許漁人醉艤船

離維揚

不爲鱸魚憶故鄉只緣心事近重陽鬢絲添得  
三分白空被黃花笑一場

維揚萬花園

趙制使經理

細柳營基鎖綠苔萬花新種小亭臺芙蓉喜見

雪巖吟草

九讀畫齋正本

江南客故向西風一夜開

雨中遠望

山雨濃雲水雨天秋容黯淡荻花邊瀟湘八景  
誰收去畱下波心小釣船

勸僧還鄉

六言

世事無過爾爾禪心只好休休江上數峯如削  
西風不礙歸舟

舟中九日

巴得重陽未到家短篷根底憶黃花烏紗不爲

西風舞空與同舟說孟嘉

嘉熙戊戌己亥馬塍稟

安居

窮通豈在苦勞神且作安居嬾散人買地種花  
多種竹煮茶邀客也邀鄰求名豈識書三上得  
興無過醉一巡喜得滿筵收芋栗杜陵應未笑  
全貧

有感

窗戶清清半掩門小兒揩淚立黃昏幾多心事

雪巖吟草

十  
讀書齋正本

無人問獨看梅花月半痕

聽琴

靜夜聽鳴琴秋風動幽谷何爲鍾子期千古無  
人續

楮先生

先生邂逅龍亭日多少雲仍滿世閒千古典謨  
文獨記九流毫髮事相關代庖阿堵名尤重製  
甲防邊職未閒只與道人爲鶴帳始能清夢繞  
湖山

歲旦己亥嘉熙三年

居間無賀客早起只如常桃版隨人換梅花隔  
歲香春風回笑語雲氣卜豐穰柏酒何勞勸心  
平壽自長

五老儒將農漁女

壯年期佐漢中興豈謂蟠螭睡不醒可惜滿牀  
廷對橐白頭翻錄道家經老儒

髀肉豐腴鬢髮疎將軍健飯待何如七禽不了  
中原事羞讀君王問勞書老將

雪巖吟草

十一讀畫齋正本

齒髮俱無背已駝雨耕摩破幾青蓑高皇慶壽  
推恩詔暗讀全文忘不多老農

短髮衰髯一棹船白頭波浪幾掀天兒孫各占  
蘆花住網得鱸魚卽酒錢老漁

著破箱中欲嫁衣翠輦何止只憂葵春來偷摘  
斑斑髮淚溼菱花只自知老女

遠訪友人不值雷集句一絕

寒食花枝插滿頭范成大長亭搔首晚悠悠鄭毅夫  
灞陵老子無人識王奇別是天涯一段愁陸游

寄征夫

待君君未歸寄書書不去寄書書可去有意殊  
難語深夜彈琵琶思君在何處知君在何處不  
禁春事已闌珊東風吹起楊花絮東風吹落楊  
花絮

客樓戲集唐人句

門掩楊花一夜風杜牧之自憐羈客尚飄蓬李山甫  
不堪吟罷東回首僧朋來鳥傍巖花戲晚紅杜荀鶴

贈僧了性

雪巖吟草

三讀畫齋正本

雖然年紀小曾次已江湖貝葉連宵看梅花一  
樣臞記詩誠敢許戒酒恐應無好向蘇堤上行  
行招數珠

醉中登樓

明主何嘗棄浩然杯中有物且隨綠倚樓心事  
誰消遣一點飛禽落釣船

嘲燕

年來乳燕亦堪羞不學楊花得自由飛過幾家  
門戶去直須尋見最高樓

瓶梅

南枝斜插古軍持，瘦影參差落硯池。莫道人家  
窗戶暖，等閒忘却隴頭時。

春半

春到已多時，遊人替衲衣。柳眠鶯喚醒，花瘦雨  
添肥。官事癡能了，人情久易非。一貧能自守，贏  
得掩柴扉。

散愁四首

著意功名四十年，柳花空滿鬢絲邊。男兒無補

雪巖吟草

三讀書齋正本

朝廷事有媿，飢餐困即眠。

小樓呼酒揖青山，翠碧瓏璁一笑閒。山若有情

應問我如何，猶似野人閒。

清貧如水儘無妨，只願伊周立廟堂。扶起太平

千載脈，且隨農父樂耕桑。

旋買犁鋤學種田，一聲長嘯雪溪邊。微茫白水

山如畫，好箇江南萬里天。

午睡

午夢驚回筍簟涼，坦夷襟度卽瀟湘。詩高自與

梅花好食淡方知菜味長事說萬端多畫虎人  
無一念不亡羊滿頭飛絮春零亂莫笑狂夫老  
更狂

酒邊

一醉復一醉陶陶醉未休何傷於日月知我者  
春秋萬事難追昔千金不解愁白鷗飛浩蕩此  
興屬漁舟

小舟晚賞荷花

同文

天浮月影水浮天路繞山頭樹繞煙船小小行

雪巖吟草

內讀畫齋正本

人意適藕花新索酒杯傳

清明插柳

清明是處插垂楊院宇深深綠翠藏心地不爲  
塵俗累不簪楊柳也何妨

晚春

風鬢殘花滿地紅別離樽俎謾匆匆春光未肯  
收心去卻在荼蘼細影中  
綠陰陰裏惜韶華自縛筠梢掃落花可笑遊人  
心未懶杜鵑啼處撥琵琶

清和

詩債還無足家園亦倦看客遊宜致仕午睡當  
之官舌笑張儀在心憑達麼安清和天氣好應  
免夾衣寒

久坐

坐久如忘世松窗日未斜營巢鷓噪樹作去聲夢  
蝶眠花易課推三畫醫方錄數家瓶笙聲未絕  
更點土山茶

戲作

雪巖吟草

五讀畫齋正本

青梅黃盡雨無多柳影重重午日過忽聽隔籬  
人語笑採蓮艇子上新河

玉泉寺金魚

金鱗韜隱已多時寺壁重泥又有詩龍若久懷  
霖雨志不應蟠屈小方池

僻居

居僻恬無事開軒挹晚晴雨耽雲脚重風約燕  
身輕有子爭梨栗無朋問死生每憂人載酒剝  
啄打門聲

倦吟

競病推敲欲嘔心，何如危坐拆桐陰。  
新蟬咽咽知人意，學我年來抱膝吟。

云云

休將閒耳聽云云，只作深居耳不聞。  
素志肯隨時節改，清貧難許利名分。  
忘情茆屋無非燕，著脚春山獨是雲。  
試問急流誰勇退，故園同看木欣欣。

愁

雪巖吟草

去讀畫齋正本

愁懷難畫亦難詩，惟有流鶯暗得知。  
我亦無言鶯不語，柳邊相看立多時。

蓼花

秋到梧桐我未宜，蓼花何事已先知。  
朝來數點西風雨，喜見深紅四五枝。

懶

嬾嬾嬾復嬾，而今嬾更宜。  
此身聊復爾，萬事欲何之。  
尚覺瓢爲贅，奚煩錘自隨。  
客來眠正熟，裙幅任題詩。

書座右

天地一蘧廬吾身自卷舒翁能從失馬子亦豈  
知魚謹獨甘居漏安貧且飯疏昨非今未是寧  
不賦歸歟

書座右

蠻觸小功名須教一念輕受恩知報飯臨事貴  
懲羹壽域惟仁宅心田以道耕泰然忘物我無  
使狎鷗驚

涼

雪巖吟草

七讀書齋正本

不擬西風一頓涼看看涼近木樨香人家未得  
征夫信蚤有砧聲怯鴈行

荷花

六言

綠葢半篙新雨紅香一點清風天賦本根如玉  
濂溪以道心同

扇

師璋今有幾家同名重蒲葵價亦穹髹柄但誇  
千縷骨不知曾未掩西風

中秋月

只與閒時月一般寧知今夕最團欒竹邊借柄  
還如扇花下傳杯可當盤野兔易忘終夜夢林  
鳥未許一枝安人生幾箇中秋節那得都將笑  
眼看

席上有舉東坡集歸去來字成詩十首  
醉中戲續一首

傲世欲何求歸來已倦遊琴詩聊自嘯丘壑復  
相畱問菊時攜酒乘風或棹舟樂天良有以心  
事老田疇

雪巖吟草

六讀書齋正本

漁父吟

小舟如鴈許穩穩下波心蓑笠幾風雨江山無  
古今清歌鳴短棹紅葉滿疎林一醉不知世前  
村月未沈

秋風

秋風卷秋葉秋思滿秋天骨立山如削聲低鴈  
欲眠客愁無暇日農事喜豐年說著鱸蓴事歸  
心滿釣船

聽雨

凍雨瀟瀟未肯晴  
灑牕聲似煮茶聲  
山童酤得鄰家酒  
炒栗爐頭獨自傾

村田樂

打稻天如二月天  
滿邨和氣樂豐年  
田翁爛醉身如舞  
兩箇兒童策上船

問梅

癡風袞袞送寒來  
竹裏人家總未開  
唯有老巖心事苦  
瘦筇敲雪問梅腮

山下

雪巖吟草

九  
讀  
書  
齋  
正  
本

山下六七里  
山前八九家家清  
到骨只賣水仙花

落葉

捲地西風促雨來  
掃除黃葉滿蒼苔  
垂楊蚤有青青眼  
只礙梅花未敢開

梅蘭

清標同插古軍持  
清似西山凍餒時  
嚼蕊弄香無說處  
屈平和靖已何之

佳人歌

淡傅粉淺畫眉鬢邊休插桃花枝白面郎君馬  
如箭回頭再盼情依依文君未識相如面朱弦  
聲裏猶相戀風流勝事千古傳寧如文君當時  
深深處深庭院臨邛亦免王孫怨佳人佳人  
休捲簾門外落花春正甜繡牀午困語聲寂博  
山篆冷香頻添佳人噫佳人吁今人安得人人  
思秋胡黃金不認眞丈夫

醜女歌

梳風楊柳笑沐雨杏花羞看看三十餘不敢下

雪巖吟草

子讀畫齋正本

妝樓待媒媒不來對娘娘共哭何時王右軍來  
坦東牀腹君不見西施絕色天下白能使麋鹿  
走吳宮玉環一笑百媚生能使漁陽鞀鼓驚玄  
宗無鹽無鹽形貌惡當時一段議論千古生清  
風美婦未必美所美貌徒美醜婦未必醜所醜  
行不醜醜妻惡妾壽乃翁何須能勸羊羔酒

雪巖吟草

